



SIARAN SEGERA

UKK/600-01/02 Jld 7

SIARAN MEDIA

HAYATI SENI FOTO DI BALAI SENI NEGARA

KUALA LUMPUR, 21 Jun 2022 – Setelah dua tahun ruang galeri Balai Seni Negara ditutup, kini ia kembali dibuka kepada orang ramai. Selaras dengan dasar penubuhan Balai Seni Negara iaitu menggalakkan perkembangan seni dalam kalangan masyarakat, Balai Seni Negara mengambil inisiatif dengan mengadakan sebuah pameran kajian fotografi yang dinamakan sebagai ‘Pameran Fotoseni’.

Pameran ini bertujuan menganalisis dan membantu kajian karya berasaskan fotografi dari koleksi seni visual negara. Pameran Fotoseni akan menelusuri perkembangan seni foto secara am dan penggunaannya dalam pengkaryaan seni kontemporari yang ditampilkan menerusi koleksi Seni Visual Negara yang dihimpun sejak tahun 1963 sehingga 2021.

Ia juga akan disertai dengan himpunan bahan-bahan daripada arkib penerbitan dan pusat rujukan seni Lembaga Pembangunan Seni Visual Negara (LPSVN). Pameran akan bermula pada 21 Jun 2022 di ruang Galeri Potret, Aras 1 Balai Seni Negara. Sejumlah 30 buah karya bakal dipamerkan kepada pengunjung khususnya para peminat seni foto.

Selain itu, Pameran Fotoseni dijalankan sebagai satu usaha kajian kuratorial terhadap praktis fotografik yang telah diraikan oleh Balai Seni Negara menerusi penerbitan dan perolehan. Kajian ini juga mengamati peranan agensi kerajaan dan swasta, individu, kumpulan, pengamal seni foto yang telah didokumentasikan oleh LPSVN dalam jangka masa 64 tahun penubuhannya bagi membantu menambahbaik halatuju serta pendekatan kuratorial bagi program-program pembangunan pada masa akan datang.

“Perkembangan hasil seni tempatan perlu dilihat secara holistik bagi memastikan LPSVN kekal relevan sebagai institusi kerajaan yang bertanggungjawab membangunkan serta menghimpun hasil seni yang berkesinambungan pada satu-satu masa. Khususnya yang dilihat disini adalah seni fotografi lebih proaktif di mata masyarakat dan turut diberi sokongan yang setimpal sebagai salah satu cabang yang penting dalam memeta perkembangan kebangsaan bagi seni tanah air”, kata Encik Amerrudin Ahmad, Ketua Pengarah Balai Seni Negara.

Sebarang maklumat lanjut mengenai pameran dan waktu operasi, layari www.artgallery.gov.my atau ikuti media sosial rasmi Balai Seni Negara.

Dikeluarkan:

**Unit Komunikasi Korporat
BALAI SENI NEGARA, MALAYSIA**

No. 2 Jalan Temerloh, Off Jalan Tun Razak, 53200 Kuala Lumpur

Tel.: 03-40267000 Fax: 03-40244998

E: ukk@artgallery.gov.my W: www.artgallery.gov.my

Untuk pertanyaan, sila hubungi:

Balai Seni Negara:

Sarifah Abu Bakar Ebau

T: +60 16 494 7921

E: sarifah@artgallery.gov.my

Wan Nor Hidayah Wan Idris

T: +60 17 987 3303

E: hidayah@artgallery.gov.my

foto seni

P H O T O A R T

21.06.2022
- 02.2023

Galeri Potret Negara
National Portrait Gallery



 Balai Seni Negara
 nationalartgallerymy
 BalaiSeniNegara
 National Art Gallery Malaysia
 Balai Seni Negara MY

 Balai Seni Negara Langkawi
 naglangkawi
 NAG_Langkawi
 naglangkawi@artgallery.gov.my
www.artgallery.gov.my


#balaiseniNegara #nationalartgallery #naglangkawi #NAGMalaysia